

武甯縣志卷之一

武甯縣知縣粵東何慶朝纂

星野

古者觀象敬天垂則辨土分星保章是職句吳舊區維斗所直武隸於洪與楚相入度涉南魁旁詹軫翼勛爵慶行干羽耀德

盛世階平靡虧靡景雲漢昭回祥景熙翕深谷遐陬罔弗協極人文聿興用光南國志星野

星經南斗牽牛吳越之分為揚州翼軫楚之分為荊州熒惑主霍山揚州荊州五衡第四星主荊州其第六星主揚州

春秋元命苞牽牛流為揚州分為越國軫星散為荊州運斗樞北斗第四星曰權第五星曰衡

武甯縣志

卷一

星野

三百九十四

文耀鉤蒙山以東至南江會稽徐揚之州屬權星大別以東至九江荆揚屬衡星

論語臆輔象兗豫屬上台荊州屬下級

史記天官書斗江湖牽牛婺女揚州翼軫荊州吳楚之疆候在熒惑占於鳥衡

漢書地理志吳地斗分野也今之會稽九江丹陽豫章諸郡盡吳分也楚地軫翼之分野也今之江夏武陵長沙諸郡

盡楚分也

律歷志星紀初斗十二度終婺女七度鶉尾初張十八度終軫十一度

晉天文志自南斗十二度至須女七度為星紀于辰在丑吳越分野自張十七度至軫十一度為鶉尾於辰在巳楚之

分野又曰九江入斗一度豫章入斗十度江夏入翼十二度長沙入軫十六度

唐天文志斗牽牛星紀也初南斗九度餘千四十二秒十二太中斗二十四度終女四度翼軫鶉尾也初張十五度餘千七百九十五秒二十二太中翼十二度終軫九度

宋中興志北方七宿其精元武斗有龜蛇蟠結之象

宋史天文志北斗七星二曰璇其分爲楚四曰權其分爲吳

三台六星兩兩而居西近文昌二星曰上台上台下星

主荆揚 天市垣東蕃十一星第六曰吳越西蕃十一星

第二曰楚

元史歷志黃道十二次宿度斗三度七十七分入星紀之次女二度六分入元枵之次張十五度二十六分入鶉尾之

武甯縣志

卷一

星野

二

四百五十四

次軫十度七分壽星之次

淮南天文訓天有九野東北曰變天其星箕斗牽牛北方曰元天其星須女虛危營室東南曰陽天其星張翼軫星部地名斗牽牛越須女吳翼軫楚

月令章句自張十二度至軫六度謂之鶉尾之次楚之分野自斗六度至須女二度謂之星紀之次越之分野

星歷南斗之十度屬豫章軫之十一度屬武昌

通典揚州管斗吳之分野兼得楚及南越之交

廣雅布度定紀布州吳乘徐揚屬星刑屬衡星

辰次圖南斗十度吳之頭也軫十度楚之尾也

文獻通考熒惑之精散爲昭旦蚩尤之旗亦爲昭明司危天
欒赤彗

天文秘訣星紀斗十一度外末女七度內於分爲吳越九江入牛五度豫章入斗十度

續豫章記豫章之地春秋時爲楚之東境據天文則吳之分野

分野圖說斗六星二十五度吳之分野南昌入斗八度南康入斗四度九江入牛五度

按唐虞授時齊政不言土野禹貢任土分州不及天星分野之說見於經者周禮保章氏以星土辨九州之地所封封域皆有分星以觀妖祥而亦不言星之所屬自時厥後散見於左傳國語者如參爲晉星商主大火歲之所在則我周分野之類其義頗著巫咸甘石分度列次號爲三家象緯之學所出起也張衡費直各有論述

武甯縣志

卷一

三

四百八十四

譙周陳卓自命專家唐僧一行元郭守敬後先發明以秒乘分以分乘度其法益密然皆出彼入此牴牾不合顧嘗論之天無私覆地無私載二十八舍躔度周天則凡有土之處皆星所照臨雖雖題窮髮之區亦應有分星可紀何以十二辰次盡入禹貢九州之域豈上天垂象專爲海內萬里而設耶此亦千古不拔之疑矣旣以九野配九州復以十二次分隸十二國如星紀爲吳鶉尾爲楚秩然不紊宜若可徵者然古稱萬國三代封爵無慮數千此十二國者皆王政之衰兼并之餘耳假令齊楚燕秦各守舊封諸星辰次何所附麗晉室未分大梁一舍豈宜虛設各次分土道里宜均何以鶉首廣而鶉火隘吳越同分史墨謂越得歲而吳伐之不祥其言

亦驗是皆理之不可推者至若星紀北宿吳越南邦邈不相直賈公彥乃以受封之日歲星所在爲解其惑滋甚吳越所封地皆不滿百里焉得獨當一次周封諸侯千八百國同日封者不知凡幾又豈能合東西朔南於一次乎唯一行謂星之與土以氣相屬不繫方隅爲說較優而其相屬之故究亦倘恍難言蓋自鄭康成時古分星之書已亡保章所職已無可考九野十二次人自爲說家自爲書而星學愈淆矣豫章一郡地兼荆揚星家則崑屬之吳爲斗分野而一行書謂南斗在雲漢下流當淮海間爲吳分牽牛去南河寢遠故自豫章達會稽爲越分則又以豫章屬越與古封域不合且星家亦未有以豫章入牛度者一行雲漢升降之篇分布兩戒

武甯縣志

卷一

星野

四

五百十七

四維帝墟八舍於以界畫南北紀綱州郡較若列簪由漢而來分野之密無能出其右者猶不免乖戾若此他如瀄風之繼譌子充之疎漏又何論焉前明天文家以西學爲最章世純圖歌亦本西術而利瑪竇河漢分星圖復與一行守敬大有逕庭今之靈臺司天者實宗其法世稱其精邃遠過前人然積星爲漢之說儒者弗取其源蓋不可得而聞獨夾漈鄭氏曰天之所覆者廣海內所占牛女下十二國耳言極簡要可靖諸家之穿鑿紛紜而馬端臨又以北斗七星自張至角五車五星次舍在畢其所主占亦卽此十二國不得謂牛女專屬華夏力詆鄭說之非竊獨以爲星有定位國無常土北斗五車及牛女下十二星天市垣東西二十二星分主諸

國皆後人強爲配合原非天星應得之分亦非保章分星之古法矣大率斗牛女夕見於南方故斗宿亦謂之南斗卽不必統屬華夏而江河以南內外萬里占此數宿差爲近之南瞻部州之名固不足徵天有九野牛女爲北方之宿又可盡據乎必謂海內九州遂得分據天星全度其言雖驗終非政信武邑之區從衡不及二百里其於大地曾不異秦華之一石以分星計之直得三百六十度之秒數爲斗爲軫皆可不論然而星見大辰驗宋鄭之火歲淫元楊知楚國之喪星野之義所從來者遠未可廢而不舉也故復詮次舊聞附以渺說用備叅攷天道遠而人事邇修人事者不泥天象大雅君子或有取焉

武甯縣志

卷一

星野

五

五百五

自星紀至析木謂之十二次一次當得三十度三十分之十四以合周天之數乃諸家分次或盈或縮靡所折衷今以星紀一次考之有起斗三度至女二度者有起斗九度至女四度者漢志初斗十一度晉志初斗十二度竝末女七度其間遠近多寡旣不相謀而州郡所入之度更自懸絕晉志稱豫章入斗十度九江入斗一度南昌屬豫章郡故通志府志皆以南昌爲斗十度武邑舊志則以邑隸南昌亦從入斗十度之文考星野圖說旣云南昌入斗八度而南懷仁又云豫章入斗七度諸家多言九江入牛五度劉基又言九江南康同居斗二十度而入斗一度者爲江甯揚州二郡且以晉志星紀起斗十二度豫章入斗十度言之則豫章當在析木之

津不得入星紀之次矣八度參差乃至於此豈今昔異
宜諸家各有所授耶抑天事杳渺數積端更雖有章亥
之步終難定其指歸耶武爲南昌屬縣地勢實交錯於
楚去郡三百里而遙東界南康之建昌九江之瑞昌以
入度深淺論南昌九江相去不能三百里一在斗十度
一在斗一度中間已隔八度若九江入牛五度則隔二
十度乘以疆域一度僅準十餘里雖盡周髀之數不能
當一州之分矣又謂廬江入斗六度以九江一度準之
則星度自南之北而南昌居十度則又自北之南一家
之言格鑿如此安所適從且如瑞屬九江當入斗一度
建隸南康當入斗四度武亦安得越此二邑而與南昌
同居十度瑞昌縣志云瑞昌楚之尾也接壤武昌星厯

武甯縣志

卷一

星野

六

五百十七

辰次宜爲軫不爲斗蓋以九江地勢應入荊州分星從
楚未爲無說星野之分自當以九州爲正後世郡縣或
割彼附此或大牙相入豈能強已定之星宿而主無定
之疆域乎攷之圖經武地於古爲艾西北有艾城漢置
艾縣春秋時吳公子慶忌出居於艾遂以爲地在吳分
括地志云艾在今蘇州則非武之艾城矣艾城去吳郡
幾二千里恐無公子出居之事或者古有二艾志地家
因而傳會其說耳史記吳伐楚取番正義云卽今鄱陽
縣楚之東境是時番尙屬楚何有於武稽左氏傳魯定
公時吳始強盛侵并楚東諸邑不數十年而入於越
是豫章之地其爲吳有者僅數十年豈星次分野恰在此
數十年中而遂執爲吳分乎周之末季吳越與楚互相

吞噬吳敗楚地越又滅吳楚復并之江西郡縣爲吳爲越爲楚若易碁然以十二次配十二國其定爲屬吳屬楚者不知以何者爲據以始封爲率耶則吳楚皆子爵五十里之國耳分星不應若是之多以春秋戰國時爲限耶則豫章一郡朝吳暮楚地與時遷欲使星隨地徙蓋亦難矣又古豫章非今之南昌左傳楚伐吳師於豫章又吳人舍舟於淮汭自豫章與楚夾漢杜注云豫章漢東江北地南昌之爲豫章至漢分郡時始得各其地則吳楚之交不得統屬於吳也至於九州分域禹貢但言淮海爲揚州後人謂吳越爲揚州之域亦指舊封而言而六緯家則稱自蒙山以東至南江會稽爲揚州自大別山以東至雷澤九江爲荊州皆本山川脈絡以分

武甯縣志

卷一

星野

七

四百六十五

疆域其言爲有依據武邑在大別之東九江之西太平諸山勢趨彭蠡與南康九江相屬其爲荊州之分審矣特以久隸南昌言星野者皆統於郡不能復有異同今詳考星經圖說皆以斗牛屬南昌九江軫翼屬江夏謹錄其有關於荆揚之占者並著於篇若乃分星於度分度於秒以求必合雖有精甘石之術者亦難言焉欲以一管之窺而肆騶生之譚其誰敢任之

附占驗

星經玉衡第四星主荊州常以五卯日候之癸卯爲長沙丁卯爲武陵第六星主揚州常以五巳日候之乙巳爲豫章癸巳日爲九江

象緯通考斗六星二十五度天廟也亦曰天機五星貫中日

月正道爲丞相太宰之位酌政事之宜主褒進賢良稟授爵祿亦主兵

牛六星七度天之關梁日月五星之中道主道路關津亦主犧牲

翼二十二星十九度主三公化道文籍爲天之樂府主禮樂及遠方賓客之事

軫四星十七度主冢宰輔臣車騎載任

靈臺秘苑斗南二星魁天梁也中央二星天相也北二星天府廷也亦爲壽命之期星盛明君臣一心天下和平爵祿行暗小則廢宰相日月五星逆行入斗凶孛犯之兵起牛上二星主道路次二星主關梁次二星主南蠻中一星主牛星明大則王道昌年穀成熟其星曲則糶貴不明失

武甯縣志

卷一

星野

八

四百四十八

常則牛賤中星移上下牛多死小星立牛多疫金火犯之災水土守之吉

分星攷翼爲禮樂之官干羽玉帛而焉星大明則禮修樂備上下雍穆四裔來賓動則遠使至星暗則政教失宮商乖金火守之爲有兵

軫爲車騎亦司樂府歌舞之事星明盛天下昌萬民康四海歸王動則車騎用五星犯之人民失業盜賊起

晉書農丈人星在南斗南主農正之官昉則豐稔暗則荒歉隋天文志天淵十星在南斗南主灌溉隴畝星明爲有年金水守之爲水災火守之大旱土司空四星一曰司徒居翼軫之間主界域及土功金火犯之民廢耕織

天文志翼軫間有十餘星曰天市星明則米價必平

宋兩朝志北斗六星曰建天之都關也七曜之道主建爲謀
事其星動搖則人多勞 天弁九星在建星北占列肆闌
闌若市籍之事明盛則吉彗星犯之糴貴 織女三星在
天紀東端天女也司果菰絲綿織紝其星怒生芒角布帛
貴三星齊明女紅善暗而微機杼不修 軫南三十二星
曰器府主樂器星明則樂律調

通志天文畧熒惑南方夏火禮也視也禮虧視失逆夏令傷
火氣罰見熒惑

七政占候熒惑主楚吳越以南又主大鴻臚司空司馬又爲
理外則理兵內則理政其出色赤逆行成句已凶芒大則
人民怨

渾天儀說熒惑爲執法之官其精爲風伯之師

武甯縣志

卷一

星野

九

九

四百六十字

晉書五星盈縮失位其精降於地爲人熒惑降爲兒童歌謠
嬉戲

中興天文志五星循軌順行天下又甯年穀順成犯鬪變色
爲災爲兵吉凶之應太白爲甚熒惑爲尤甚蓋熒惑火也
性烈而不常又爲執法之官故其效尤亟也

星統三台爲天階太乙躡以上下一曰泰階色齊明而行列
相類則君臣和法令平不齊爲垂度

按十輝之法著於周禮而書雲望氣代日加詳左氏好
言祲祥其所叙星辰占候如禕竈梓慎之所推測皆效
若影響豈盡足徵與太史公曰吳楚之疆候在熒惑而
上台下星荆揚同占斗本吳分杜佑以爲兼得楚及南
越之交然則荆揚吳楚地氣不異占候亦大畧相同與

豫章地交吳楚武邑則於楚尤密占星者惟斗是稽安見其必效乎考晉隆安四年太陰犯牽牛是歲豫章大水則豫章之占又驗於牛義熙二年熒惑犯南斗第五星其年司馬國璠攻沒弋陽史氏以爲星變之驗弋陽地屬越分於宿直牛而斗又應之厯家距度斗止南魁其第五星則入於箕箕乃幽燕之分其應反在越何也隋大業三年熒惑逆行入南斗其後楊元感反東南羣盜並起占曰斗牛楚越分野元感父素初封越後徙封楚故星象應之楚越同占斗度旣與分次不合且素之封越封楚直虛號耳要皆未嘗之國何足上感天星而史氏所紀星應如素類者不一而足象緯家巧爲附會畧不求其理之所安胥視此矣大抵熒惑斗牛爲南方

武甯縣志

卷一

星野

十

五百五字

之占荆揚所屬各以類應如必界某度爲某邑之分指某星爲某州之驗是亦刻舟而求劍也武邑僻處叢山災祥不見於史冊郡邑志所錄皆吳分之統占其所當應蓋不可得而言故於斗牛諸宿位所主休咎取其切於人事者畧舉端緒以示敬天勤民之意而應代雲祥星變具在國史無關井邑者皆不錄

附
氣候

星野有遠近則四時之氣有遲速武邑處豫章西北四山盤結勢趨彭蠡氣候較江南平原爲異歲多風春東風雨夏北風雨秋西風雨冬東風則雪夏蛟出則雹四月後梅雨鬱蒸尙宜重綿五六月驟雨時行秋初熱尤甚多防旱八九月嵐氣多人易患瘧冬冰不堅諸種宜豫秋社下麥春

社下稼麥遲則凌寒稼遲則苦旱亦地多高使然也俗傳春盡有黃丹瘴則損麥夏盡有乾風起則損稼日出而雨則生蟲春秋二仲多陰翳謂之弄寒弄暖

馮志氣候論

記曰廣谷大川異制民生其間異俗大江以南五嶺之北吳楚地數千里氣候寒燠不甚相遠武邑當吳楚之交其山高以密其水冽而駛無平原廣野深淵大湖足以舒洩地氣故鬱蒸徽濕視他處爲重春分土膏上騰磚礎皆潤立夏後尤甚衣笥書畫經旬不見日則多澆壞秋分前後遇陰雨亦然謂之秋徽而春夏徽氣近地爲甚秋徽雖重樓不免蓋地氣升降使然也山氣磅礴好作霧春霧晴夏霧雨秋霧陰晦冬霧則雪降亦云霧早散則晴遲散則雨三月九月寒暖不時或晨衣重綿

武甯縣志

卷一

星野

十一

五百〇五字

午宜單袂五六月間山中雨多於平阪謂之沿山雨大約四時寒熱頗均無亢厲瘴瘴之患夏多雨冬多晴故稼不憂旱而人不苦寒草木花葉應時而發三冬晴暖桃李重放不爲異然其土植牡丹甚繁盛茉莉素馨稍失調護輒凍痿故其候於中州爲近與嶺嶠懸殊此其大較也

一邑之中氣候亦復不同西南佈種較遲東北刈穫最早廉村桑溪絕巘危峯皆可種稻喜旱而惡霖九月盡始穫而其地間宜麩麥遼峯之西有田一頃湯泉所灌登收乃在小暑前巾口以下土尤蒸濕最苦蚊蚋與淮揚等而太平九宮諸深山夏月無蚊不施帳幔三伏亦可挾纊嚴陽山有石鑊泉擊其水則大雨立至魯溪洞

每遇夏月久旱溪水涸竭則洞中洪濤驟發溢涌而出不知其水之所自士人稱為洗洞水蓋深山大澤地氣不齊蓄洩互異有如此者至於山雲有斷續之占俗云連則雨斷則晴灘聲有靜躁之異瀕河居民常以半夜灘聲卜晴雨云灘聲怒次日必晴聲平則雨中秋無月則漁家喜諺云中秋無月魚蝦易得仲夏朔陰則田老憂田家以五月朔為禾居巢者知風處穴者知雨其生辰是日不宜陰晦言雖不雅馴而剛柔異齊寒暖異候亦采風志地者所務白也故採其異於他處與舊志所未備者附於星象之末俾居民材者知所先後焉

增補

星野之說古以吳屬丑丑為星紀之次其星繫斗牛楚屬巳巳為鶉尾之次其星繫翼軫武甯居吳頭楚尾之

武甯縣志

卷一

星野

十三

五百〇二

交故所主之星祇列斗牛翼軫四座其所屬小星亦無及四座外者不知經星天每歲東行五十一秒因有歲差之說而過宮移度今古迥殊今遵中西二表新尺道光二十八年戊申歲星紀之次起箕初度終斗二十度鶉尾之次起星四度終翼六度是今之分野在星張翼箕斗五宿矣向者所載之星俱依老尺無星張箕三宿且占驗之理斗牛翼軫四宿與所屬小星亦不詳備茲特搜羅星經以備參考

歷象考成新尺箕八度五十三分斗二十三度五十三分牛七度十分星八度二十六分張十八度零三分翼十六度五十九分軫十三度零五分由箕初四十八分入丑斗二十一度五十一分過子星四度四十七分入巳翼

六度十五分過辰

經星主占箕爲后妃後宮之位主八風凡日月宿在箕東壁
翼軫者皆主風起又主口舌又主蠻夷胡貊大明而直
則五穀熟君無讒閒疎暗則世亂無君五穀貴蠻夷不
服細微就聚則天下憂動則蠻夷有使來離徙則人流
移入河及客守皆災人相食月暈及金火犯兵起流星
犯大臣叛水守大臣憂 杵縱則豐橫則饑移徙人失
釜甄 熾明豐暗饑不見人相食

斗爲丞相太宰之位酌量政治褒進賢良稟授爵祿又
主兵又爲壽命之期明則王道和平芒角動搖國失忠
臣及兵起移徙有逐臣日月五星逆入斗天下流蕩孛
犯兵起小而暗宰相廢死木犯吳越有福逆入魁中大

武甯縣志

卷一

星野

三

四百六十七

臣逆久守主水大饑火守有內變兵起相亡日蝕帝惡
月蝕后惡 鼈爲大陰火守則旱 建動搖則人勞月
暈則蛟龍見牛馬疫月蝕五星犯守大臣相譖臣謀主
關梁不通有大水 天弁市官之長主列肆闐闐明則
吉彗犯糶貴兵起 天雞主候時金火守入兵大起
天籥主鎖籥關閉明吉暗凶 狗國主鮮卑烏丸沃沮
明則邊寇作金水犯守外夷有變太白逆守國亂客守
犯有大盜其王且來 天淵主漑灌又主海中魚鼈火
守旱水守水 狗主吠守禦姦不居常處大災 農丈
人主稼穡

牛主犧牲又主道路關梁南越明大則關梁通王道昌
曲則米貴直則米平不明失常穀不登細則牛賤中星

移動則牛多殃月壘損犢金火犯兵災水土犯吉星遠
漢明大則牛貴怒則馬貴木守天下和平久守主水主
人凍死人謀主火守老臣逆牛貴人相食津梁不通土
守臣謀主金守兵起凡辰星常以冬朝牽牛若不朝主
明年穀不熟大水客守兵起彗孛行牛中吳越有自王
者彗出牛中主更政 天田主畿內之口 九坎主溝
渠道達泉源宜暗若明潤有水災及夷狄侵邊五星守
犯皆主水溢 河鼓主軍鼓及鈇鉞中爲大將軍左爲
左將軍右爲右將軍左星所以備關梁設險阻而拒難
者也明大光潤將軍吉動搖差度亂兵起直則將有功
曲則將有律 左右旗天之旗鼓也明潤則將軍吉動
搖兵起怒則馬貴 天桴不明則刻漏失時動搖相直

武甯縣志

卷一

星野

十四

五百十一

主用兵 織女爲天女孫主果厥絲綿珍寶如王者孝
女工善則三星俱明若大角怒角主布帛貴暗而微天
下女工廢不見兵起不向扶筐則絲帛貴火守布帛貴
兵起 漸台主刻漏律呂 蠶道主天子嬉遊之道金
火守御路兵起 羅堰主隄塘壅蓄水源溉灌田苗大
而明主大水暗則凶
星主衣裳文繡明則王道昌動則兵起離則易政日蝕
兵饑婦人災木犯人安土犯旱金土水犯俱災又云金
火守國兵大起月彙孛犯並主兵起 軒轅南大星女
主也次北一星夫人也屏也上將也次北一星妃也次
將也其次諸星皆次妃之屬也南小星女御也左一星
少后宗也右一星太后宗也色宜黃小而明張衡云軒

轅形如龍體主雷雨之神又後宮之象凡陰陽交合盛
爲雷激爲電和爲雨怒爲風亂爲霧凝爲霜散爲露聚
爲雲爲虹蜺離爲背裔分爲抱珥凡此諸變皆軒轅主
之移徙則國人流迸水火金守女主惡 內平平罪之
官明則刑罰平暗則否 人相丞相之象占與相星畧
同 稷百穀之長明大則歲豐不見人相食

張主天廟明堂女史之位明大則國盛強失色則宗廟
不安明堂廢隋志云主珍寶及宗廟所用衣服又主天
厨飲食賞賚之事明則王者行五禮動則有賞賚離徙
則天下有逆就聚有兵金火守兵起一說主貢物色細
無光則王者少子孫日食修禮有虧月食主大澇火幸
犯兵起水土犯國不安 天廟天子祖廟也客守祠官

武甯縣志

卷一

星野

十五

五百十六

有憂占與虛梁同 長垣主界域及外夷凡火守主夷
人入中國太白入九卿謀反 少微士大夫之位也門
南第一星爲處士第二星爲議士第三星爲博士第四
星爲大夫明大而黃則賢士舉月五星犯守處士女主
有憂宰相易 翼主三公化道文籍凡日月交食五星
並逆及芒動則化道不行文籍壞滅動移則三公廢明
大則化成失色則民流隋志云翼爲天之樂府又主夷
狄遠客負海之賓明大興禮樂四夷來賓動則蠻夷使
來離徙則天子舉兵或云暗則政治失日食臣僭月食
婦人憂五星孛客犯凶 東甌主東越穿胸南越三夷
金火守其地有兵芒角動移兵內叛
軫主將軍樂府歌懼之事五星犯亡國失位女子主政

百姓失業賊黨掠人禍生百日之內明大則吉張衡云
軫主車騎明大則車騎備動則車騎用凡有軍出入皆
占于軫離徙則天子有憂就聚兵大起 左轄爲王者
同姓右轄爲王者異姓明則兵起遠軫則凶不見國有
憂 長沙主壽命明則人壽子孫昌若明與軫等及五
星入軫皆主兵起 軍門在青邱西天子六軍之門也
土司空主界域主土功金火犯男不得耕女不得織
青邱占與東甌同 器府主樂器之府明則樂調暗
則有咎